


GAUTENGSE DEPARTEMENT VAN ONDERWYS



SENIORSERTIFIKAAT-EKSAMEN

OKTOBER / NOVEMBER

2006

WETTEREG

SG

904-2/0A

9 bladsye



**WETTEREG
STANDAARDGRAAD**

SENIORSERTIFIKAAT-EKSAMEN

NOVEMBER 2006

TYD: 3 UUR

PUNTE: 300

INSTRUKSIE AAN KANDIDATE:

Beantwoord al die vrae.

VRAAG 1

1.1 Definieer “produkte” soos uiteengesit in Artikel 1 van die Wet op Veediefstal, 1959 (Wet 57/1959). (8x2=16)
[16]

1.2 Definieer “vee” soos uiteengesit in Artikel 1 van die Wet op Veediefstal, 1959 (Wet 57/1959). (16)
[32]

VRAAG 2

Definieer “drank” ingevolge die Drankwet, 1989 (Wet 27/1989). (9x2=18)
[18]

VRAAG 3

Skryf **slegs** die **nommer** van die korrekte stelling neer bv. 3.16 – A. Geen punte sal toegeken word vir enige bespreking of stelling wat uitgeskryf word nie.

3.1 'n “Geslote dag” ingevolge die Drankwet, 1989 (Wet 27/1989) is ...

- A Sondag, Kersdag, Nuwejaarsdag.
- B Nuwejaarsdag, Kersdag, Goeie Vrydag.
- C Sondag, Goeie Vrydag, Kersdag.

3.2 Ingevolge Artikel 143 van die Drankwet, 1989 (Wet 27/1989), mag 'n gelisensieerde perseel deursoek word deur die polisie ...

- A enige tyd van die dag of nag.
- B gedurende tye wanneer die lisensiehouer gemagtig is om drank te verkoop.
- C tussen sonop en sononder.
- D enige tyd, behalwe Sondae.

3.3 Ingevolge Artikel 154 van die Drankwet, 1989 (Wet 27/1989), is die volgende 'n misdryf:

- A Om drank te wees in jou woonhuis
- B Om drank te verbruik op 'n privaatperseel sonder toestemming van die eienaar
- C Om drank te verkoop op 'n gelisensieerde perseel aan 'n persoon onder 21 jaar

- 3.4 Ingevolge Artikel 1 van die Wet op Gevaarlike Wapens, 1968 (Wet 71/1968), is die volgende 'n gevaarlike wapen':
- A 'n A.K. 47-aanvalsgeweer
 - B 'n Hond
 - C 'n Skroewedraaier
 - D Die loop van 'n vuurwapen
 - E Beide (A) en (D).
- 3.5 Artikel 9 (1) van die Wet op Ontploffbare Stowwe, 1956 (Wet 26/1956), bepaal dat niemand springstof mag gebruik nie tensy ...
- A hy in besit is van 'n permit wat deur 'n inspekteur uitgereik is.
 - B hy in besit is van 'n permit wat deur die Nasionale Kommissaris van die SA Polisie diens uitgereik is.
 - C hy nie in besit is van 'n permit nie, maar weet hoe om springstof te gebruik en deur die maatskappy vir wie hy werk, gemagtig is.
- 3.6 Ingevolge Artikel 3 van die Wet op Geregtelike Doodsondersoeke, 1959 (Wet 58/1959), mag die volgende persone sonder die toestemming van die geneesheer of landdros teenwoordig wees by 'n nadoodse ondersoek:
- A 'n Polisiebeampte
 - B Enige van die ouers van die oorledene
 - C Die regsvertegenwoordiger van die oorledene se familie
 - D 'n Aanklaer
- 3.7 Ingevolge Artikel 4 van die Wet op Geregtelike Doodsondersoeke, 1959 (Wet 58/1959), doen die polisiebeampte wat die omstandighede van iemand se dood ondersoek, verslag aan ...
- A die landdros.
 - B die distriksgeneesheer.
 - C die aanklaer.
 - D beide (A) en (B).
- 3.8 Ingevolge Artikel 1 van die Wet op Veediefstal, 1959 (Wet 57/1959), is die volgende "produkte":
- A Volstruisvere
 - B Hoendervere
 - C Hoewe van vee
 - D Geeneen van bogenoemde.

- 3.9 Ingevolge Artikel 1 van die Dierebeskermingswet, 1962 (Wet 71/1962), word die volgende ingesluit by die definisie van “dier”:
- A Koedoe
 - B Leeu
 - C Volstruis
 - D Goudvis
 - E Geeneen van bogenoemde
- 3.10 Ingevolge Artikel 1 van die Wet op Gevangenis, 1959 (Wet 8/1959), is ’n “gevangene”...
- A ’n persoon op borg.
 - B die lyk van ’n persoon wat gevangenisstraf uitgedien het.
 - C ’n persoon wat ’n opgeskorte vonnis van tronkstraf opgelê is.
- 3.11 By die verrigtinge van ’n Kinderhof ingevolge Artikel 8 van die Wet op Kindersorg, 1983 (Wet 74/1983), mag die volgende persone teenwoordig wees:
- A Die broers en susters van die kind
 - B Die kind se skoolhoof
 - C Die grootouers van die kind
 - D Die prokureur van die kind se ouers
- 3.12 Ingevolge Artikel 18 van die Padverkeerswet, 1989 (Wet 29/1989), is iemand onbevoeg om ’n leerlingbestuurslisensie vir ’n ligte motorvoertuig te bekom, wat ...
- A. onder 18jarige ouderdom is.
 - B ’n motorvoertuig bestuur sonder ’n persoon in besit van ’n geldige bestuurslisensie as passasier.
 - C. in ’n motorbotsing betrokke was.
 - D. ly aan onbeheerde diabetes mellitus.
- 3.13 ’n Polisiebeampte moet ingevolge Artikel 14 van die Wet op Geestesgesondheid, 1973 (Wet 18/1973), ’n geestesongestelde persoon wat ronddwaal in bewaring neem en aansoek doen om ’n opnemingsbevel by ...
- A. ’n aanklaer.
 - B. ’n distriksgeneesheer.
 - C. ’n landdros.
- 3.14 Die volgende word gedefinieer as “drank” ingevolge die Drankwet, 1989 (Wet 27/1989):
- A Brandspiritus
 - B Medisyne wat alkohol bevat
 - C Sorghumbier
 - D Geeneen van bogenoemde

3.15 'n "Kinderhuis" word gedefinieer in die Wet op Kindersorg, 1983 (Wet 74/1983), as 'n tehuis wat in stand gehou word vir die opname, beskerming, versorging en opvoeding van meer as ...

- A 4 kinders.
- B 6 kinders.
- C 10 kinders.

(15x2=30)
[30]

VRAAG 4

4.1 Bespreek die bepalings van Artikel 22 van die Omheiningswet, 1963 (Wet 31/1963), met betrekking tot die ooplaai van hekke. (12)

4.2 Gee 'n uiteensetting van die bepalings van Artikel 23 van die Omheiningswet, 1963 (Wet 31/1963), met betrekking tot die klim of kruip deur heinings. (14)
[26]

VRAAG 5

Sit die magte ten opsigte van deursoeking en inspeksie aan 'n polisiebeampte ingevolge Artikel 143 van die Drankwet, 1989 (Wet 27/1989), verleen, uiteen. (30)
[30]

VRAAG 6

WET OP SEKSUELE MISDRYWE NR. 23 VAN 1957

Definieer die volgende ingevolge bovermelde wet:

- 6.1 "Bordeel" (4)
 - 6.2 "n Plek" (5)
 - 6.3 "Ontug" (1)
- (10X2=20)
[20]

VRAAG 7

PADVERKEERSWET NR. 29 VAN 1989

Noem **VYFTIEN** gevalle waar 'n persoon onbevoeg is om 'n leerling- of bestuurderslisensie te verkry of te hou.

(15x2=30)

[30]

VRAAG 8

DRANKWET NR. 27 VAN 1989 (ARTIKEL 154)

Haal enige **TWAALF** misdrywe aan wat gestipuleer is in Artikel 154 van die Drankwet.

(12x2=24)

[24]

VRAAG 9

OMHEININGSWET NR. 31 VAN 1963 (ARTIKEL 27)

Bespreek die bepalings van Artikel 27 van die Omheiningswet, 1963 (Wet 31 van 1963) met betrekking tot die versuim om 'n naam te verstrek nadat 'n omheining beskadig is.

(7x2=14)

[14]

VRAAG 10

WET OP VERBOD VAN VERMOMMING, 1969 (WET 16 VAN 1969)

Gee 'n uiteensetting van die Wet op Verbod van Vermomming, 1969 (Wet 16/1969) wat 'n vermomming van 'n persoon as 'n misdaad verklaar. Die bepalings met betrekking tot die bewyslas word nie benodig nie.

(9x2=18)

[18]

VRAAG 11

**DUI AAN OF DIE VOLGENDE STELLINGS “WAAR” OF “ONWAAR” IS
(MOENIE BESPREEK NIE).**

DRANKWET, WET 27 VAN 1989

- 11.1 'n Kroeg op 'n gelisensiëerde perseel word beskou as 'n “beperkte deel”. (2)
- 11.2 'n Lisensiehouer mag nie drank verkoop aan persone onder 18 jaar nie. (2)
- 11.3 'n Agent van die lisensiehouer mag toegang aan enige persoon tot die gelisensiëerde perseel weier. (2)
- 11.4 'n Polisiebeampte mag 'n gelisensiëerde perseel binnegaan met die doel om die drankvoorraad te inspekteer. (2)
- 11.5 'n Polisiebeampte mag die naam en adres van enige persoon vra wat hy vind op die perseel waar hy op drank beslag gelê het. (2)
- 11.6 'n Persoon wat dronk is by 'n resiesbaan, maak homself skuldig aan 'n misdryf. (2)

PADVERKEERSWET, WET 29 VAN 1989

- 11.7 'n Bestuurder is enige persoon wat enige voertuig bestuur of probeer bestuur. (2)
- 11.8 'n Openbare pad sluit in 'n deurgang wat normaalweg deur die publiek gebruik word. (2)
- 11.9 'n Voetorgang is enige gedeelte van 'n openbare pad wat deur toepaslike verkeerstekens as 'n voetorgang aangedui word. (2)
- 11.10 'n Sleepwa is nie 'n motorvoertuig nie. (2)
- 11.11 'n Persoon wat 17 jaar oud is, mag 'n bestuurderslisensie verkry. (2)

(11x2=22)

[22]

VRAAG 12

WET OP KINDERSORG NR. 74 VAN 1983

Bespreek die bepalings van Artikel 12 van die Wet op Kindersorg (Wet 74 van 1983) met betrekking tot die verwydering van 'n kind na 'n veiligheidsplek hangende ondersoek. Bespreek ook die optrede na voormelde verwydering.

[22]

VRAAG 13

WET OP SEKSUELE MISDRYWE NR. 23 VAN 1957

Omskryf die stappe wat 'n landdros kan neem ingevolge Artikel 8 van die Wet op Seksuele Misdrywe wanneer hy 'n klagte ontvang dat 'n huis as 'n bordeel gebruik word.

[14]

GROOTTOTAAL: [300]

EINDE